

北京日報

第二百零六册

代表人朱淇

論說

二月二十一日

中國之朋友(記英人反對鴉片貿易事)再續前稿

對於禁鴉片問題之實行

朱鼎馨譯

禁止鴉片貿易之政策我同會中人所當實力提倡者也前各選舉人所簽押之文告當分送兩黨諸被選議員一律簽押無分畛域日本對於禁鴉片問題如德威君之所口述加利非士君之所函告宜詳記其事以資觀感又我會中所刻之(反對鴉片貿易)一書前經分致候選諸議員惟於各選舉人多未遍及恐仍不足以樹聲援也耶德里氏所著之(國家藥料貿易)一書亦宜廣印遍送候選諸議員使知鴉片本一種藥料斷不可多售以害人我同會中人凡面晤候選諸議員宜力持禁鴉片政策必有能深信而實行之者且我輩皆上帝之信徒今之所為上帝已默佑之矣尙其勉旃

倫敦禁鴉片貿易會報告辦法書

我同會諸公鑒禁鴉片問題我國人多已贊成之矣然有可借助於外力者則日本是也非獵賓政府前派員考察東亞鴉片情形其所宣告有曰中國宜取法日本日本者中國之導師也云云蓋日本固禁鴉片而有實效者也今日本勢力之在中國何施不可既於臺灣行鴉片禁令矣其對於中國吾知其不能忘然也中國政府以國勢正弱不敢與外人挑釁故鴉片貿易之約一時未廢耳日本苟助中國責我以鴉片貿易之非義嚴禁鴉片入口我英國無知之何中國不購我鴉片我豈能責以賠償印度鴉片稅之所失乎惟有犧牲歲入鉅款不售此仇人之物勉於為義而已

禁鴉片問題宣布後既經多數人認可則我同會中人宜益加勉勵以求無忝公德想將來必不致徒勞無功也自由教會之領袖威士利安之會議及各會黨之代表人其皆教之各神父於反對鴉片貿易問題無不表同情者他如筆之於書則有哥盧甘伯氏之(中國大問題)伯希河路氏之(中國之過去與未來)與(英國之罪孽)耶德里氏之(國家藥料貿易)皆抱禁鴉片之主義而作者也

下次開選舉大會時議員中不贊成禁鴉片貿易之政策而謂為無益者必無其人我同會中人宜遍布此政策於全國



議員使皆知此事之不容忽置不容稍緩同心協力兩黨一致一日在政界則一日抱此政策而行除將前出版之(反對鴉片貿易)一書遍送各被選議員外更須多著新書極力倡導也

我同會中人捐助款項日見踴躍良堪感謝諸凡用度我會員當力圖節省然於禁鴉片問題有關係之事苟有所運動亦不敢稍吝致敗事機也現本會擬定集款之數祇二百金磅而已

凡此諸端皆望我同會中人各盡義務光我祖國幸甚幸甚倫敦禁鴉片貿易會會員阿勒山大氏威路順氏全頓首拜  
啓一千九百零五年十二月四號  
仍未完

## 譯電

摩事持平議結○西歷三月十三號路透電云據德法兩國報告所有摩洛哥輾轉事宜須即持平議結

殞恤被災礦工○路透電又云喀利亞礦坑被災之人已由救濟會募得捐款二萬磅為殞恤之費查當日被炸者共一千一百五十名獲醫愈者僅九十名現因炭毒薰積尸骸狼藉暫停礦工云

法國被控○西歷十四號路透電云(可老黎氏切詩動)半官報現控告法國延宕摩洛哥問題之罪謂法國會議銀行問題不稍讓步云

德國宣布撤兵○同日又電云德國已宣布撤回中國北方兵隊定西四月底由頭等戰艦(匿加士)載回本國只留七百名分駐京里以資保衛云

美總統歡迎考察政治大臣○同日又電云中國考察政治大臣抵美京華盛頓總統(羅斯福)及參政大臣(老德)君分任接待老德君演說略謂中美兩國不同之處其缺點在不能交換智識云云

## 要緊新聞

日使更調消息○頃接日本東京消息言日本政府擬令駐韓公使林權介氏轉任駐華公使以代內田公使之任惟內田公使之前途則現尙未議定云

國史館將請議叙○聞國史館修纂儒林文苑循良孝友列傳均已告成所有在館賡錄供事各員例得仰邀議敘聞當

於三月間入奏矣

法律學堂尅期竣工○修律大臣奉 命設立法律學堂已擇定順治門內象房橋地址去年業已動工聞此項工程限於五月節前一律完竣將來招考約在四月間云

達桂賞假一月○吉林將軍達桂丁憂 硃德全電奏請飭其暫免離任已紀昨報茲悉此摺業蒙 允准日昨有 旨達桂賞假一箇月穿孝吉林將軍着成勳暫署矣

軍機處之堂諭○軍機處甄別供事原擬在湖廣會館考試嗣因該館地方尙形狹隘故前日又下一堂諭改在政務處考試所有應考之供事分作三班二十日起考頭班二十一日考二班二十二日考三班每班一百人均要五人聯名互結以杜槍替及兼差等弊云

周冕之參案○周冕被參已署紀前報茲悉該摺係由黑龍江將軍電奏畧謂道員周冕侵吞公款數十萬所有草地木植稅項簿據席捲而去無可稽查等語已有 旨公北洋大臣迅飭該道經理清楚

教士戕官案十九誌○被教士戕斃之南昌縣令江召棠業經英法兩國醫士檢驗屍傷據云係一戳一劃斃撫胡中丞令其將屍格交出兩醫士均不允交謂須請示本國欽差云

教士戕官案二十誌○法教士王安之戕害南昌江令其詳情迭紀本報江令未死之時有親筆遺書一紙茲悉書中所言畧謂王安之在教堂逼索三款一釋放荏港案內監禁犯人數名一嚴辦龔姓三人一賠款十萬兩我不肯立單畫押伊逼我自盡云云

魯礦另訂章程八條○山東紳商擬將五處礦草全行作廢已紀前報茲復接青島來電云東撫楊帥恐此事萬難辦到惟與德人商訂章程八條并聲明此係商務應照商部礦章辦理云云

章京津貼未定○軍機處津貼已由戶部撥出款項滿漢章京雖定實五千五百兩但某人應得若干現尙未有定數云

陸大臣抵荷日期○新簡駐荷大臣陸徵祥業於本月十四日行抵荷蘭京城已發電致政府矣

日軍操練演砲○日本水野藤中軍隊擬於三月初三日在順義縣之八里橋操練演砲內田公使已照會外部請札行順天府尹出示曉諭附近居民以免驚疑云

俄軍經營烏蘇里○韓京函云現有俄軍侵入關東就其表面觀之似經營滿洲其內容則實欲注全力以經營烏蘇里



本京新聞

實業學堂注重試驗機器○京都實業學堂學科甚備中以機器一門為最注意堂中開設機器廠以資試驗現各學生學習均得門徑再習三年屆畢業期即可分送各省振興實業矣

議加新省巡撫銜俸○政府以新疆地處塞外轄境遼闊漢繆難處政務殷繁現當練軍興學舉行一切新政尤關重要巡撫一缺廉俸甚薄恐不足以養其廉擬即奏請酌加並晉以兵部尚書銜以崇體制俟與戶部議定即行入奏

派員考察造紙印刷事宜○戶部堂官以銀行鈔票托他局經手式樣既不能精美且恐稽察不周致滋弊混擬在京興辦紙局及印刷局將來即可自造鈔票並自行印刷且可造各種官用紙張已派部員曾習經薩蔭圖王璟芳至日本大阪東京各處查察造幣印刷等事

咨調通曉蒙文人員○科布多辦事大臣錫都護日前咨照兵部署云查阿爾泰山內輯外利關係緊要兼之幅員遼闊諸務繁積所調之員實不敷用現擬仍由綏遠城咨調通曉蒙文兵弁十名赴阿爾泰差遣俟年滿時咨留升階補缺章程辦理應請貴部查照存案

議擬嚴訂學規○聞學務大臣議及近聞各省學堂迭有衝突之事查推廣學堂原為培養人材上下一心以圖自強嗣後應即嚴訂學規庶使教員學生端其趨向以忠愛為心不得沾染囂張之習倡為異說則課程益進人品亦端而風潮自息矣

各省警務總辦由警部加札○警部徐菊人尙書與趙智菴侍郎會議以各省警務逐漸推廣必派有司道大員總管理務事宜以便竭力整頓此項警務總理悉仿照商部議員辦法由該省督撫出具切實考語咨部核准發給劄委關防遇有要事可直接接警部辦理仍歸該管督撫節制聞北洋已擬保省城工巡局總辦吳觀察錢係為直隸全省警務總辦並開去各項要差俾可專心經理云

裁撤查旗御史○八旗向有稽查旗務御史積習相沿按月索取規費並不實力稽查但虛設其官且於八旗兵丁多添一層剝削現經都察院議與協科協道一體裁撤

擬添客卿○日昨政府王大臣會議朝廷變法自強亟宜仿照日本維新伊始之章程添設客卿二員在政務處專辦一切政治慶邸議以俟考查政治大臣回國再為斟定

改訂華工禁約○外部大臣與美公使詢問改訂華工禁約一事美使答以本政府已允從寬修改惟現在如何刪改之處尚未接到來電云云昨外部電詢駐美梁大臣以美改華工苛約究竟若何望即電覆等語旋接梁使來電云美政府允改條約均未妥善而旅美華商及留學生亦不承認今尚互相堅持猶未開議云云

電覆瓊州難商埠○日前有人條陳外部請將瓊州開為商埠經商部電咨粵督查覆刻聞岑督已有覆電到京謂瓊州開為商埠諸多窒礙只可從緩商辦云云

陝甘紳士請派員專辦本省鐵路○陝甘兩省紳士聯名具呈請奏派李聯芳專辦兩省鐵路奉 旨着陝督升允陝撫曹鴻勳督飭兩省紳士辦理

各便允遷商店於崇文門後○外部照會各使將西人在京所設商店一律移往崇文門後一帶以便歸警部保護各使均已應允

蒙古練兵○內廷消息慶邸日昨與鐵寶臣商蒙地練兵應於蒙藩選擇英明強武之員以充統領方收實效若於保定調兵駐紮反起外人疑惑云云昨已片行理藩院矣

擬開銀行達成利○商部司員吳振麟到奉天游歷因辦商標局事未畢不能久留現約定在京為奉天開一銀行速成利由奉遴生籌贊送吳歸吳督率辦理並邀集學生陸世公等一同講授

各省新聞

湖南常德商埠改定地址○(湖南)湖南常德府奏准開為商埠原奏係指定東門外皇經閣地址開埠並以善卷村外洲地為預備擴充地段嗣經岳常關道韓觀察慶雲疊次履勘以皇經閣祇長堤一綫地勢逼窄若必推及南門一帶又恐有礙目前固有之商務因議就善卷村老堤外加寬二十丈修砌石岸以為商場挑取界外之土填築界內之堤俾河身寬疎水患不致漫溢以裕華洋商人租地祇准循商場堤岸接修不得逾二十丈定限之外現已繪圖貼說



稟詳湘撫咨明外務部立案一面頒貼告示曉諭該埠商民  
粵督電阻兩江查辦員○(廣東)粵督電阻兩江查辦員不必來粵略謂現在紳已奉釋股已大集小口將有實耗主  
操切肇事之各員日前傳說張鳴岐電請參辦五人以解民怨昨聞已電詢張藩如何措置張復電請將五人名姓職  
官開寄江督以備覆奏之資料岑督已照行聞五人係溫榮榮張陳云

天津開辦游民習藝所○(直隸)天津習藝所總辦周朱剛觀察以天津為通商大埠五方雜居往往有所遇不偶流  
落失業若困頓他鄉情殊可憫特具詳直督請添遊民習藝所一處專收外省游民當蒙袁宮保批准刻已起造該  
所房屋不日即可告成直督業飭賑撫局撥銀一萬兩作為開辦經費並已分飭印委各員凡遇有外省遊民流落在  
津者即可送交該所學習工藝免致失業云

直隸全省立憲之預備○(直隸)署直隸藩司毛寶君方伯赴津稟商袁宮保以五大臣出洋考查政治回國後將政  
立政體而立憲之宗旨不外使地方自治地方自治又不外立鄉官與選員之兩事現在國民程度太低通都大邑  
或不乏開通之士若偏僻州縣欲求一具有鄉官講員之資格者誠未易其選必早日預備方不至有臨時乏才之虞  
特稟准袁宮保將省城法政學堂中之客籍學生均改歸天津客籍學堂肄業而騰出各缺另飭通省各州縣精選品  
學兼優之士出具切實考語資送來省學習政法大縣三人小縣二人以便卒業後飭回鄉里為日後地方自治之基  
礎現已通飭各牧令一律選送矣

紗業自行保險○(江蘇)通州紗布暢行東三省及徐淮海等處本處各紗廠之紗尚不足以供織布之用仍藉裝運  
上海之紗以補缺乏去秋風潮為災通州紗船於吳淞等處傾覆不少嗣紗業中人議改由小輪裝運并由輪局保險  
現該業復恐利權外溢乃集同人創設保安有限公司自行承保水火險險已集有股本一萬五千元專保由滬至通  
之紗其餘別埠以及未入商會者概不承保

擬設新軍模範隊○(江蘇)日本實行徵兵伊始凡自西洋留學歸國之軍人特組成下士團悉以留學生充之厥後  
該團擢升聯隊長等職者頗不乏人頃兩江督練處略師其意遴選程度最高之徵兵團集一處名為模範隊以參謀  
幫辦沈蘭孫教練幫辦章靜軒教練提調丁遠侯鎮司部正參謀官吳仲延同為義務排長輪充隊官此外考功編

譯各科官多願任司務長及司書生之役除練習內外場功課外並竭力維持軍紀風紀以身作則一則隊中兵士易  
於養成將校資格一則模範既立其餘各隊即有所觀感云

度地建設烟草公司○(湖北)武昌商務局觀察秦圻前擬在漢口創設煙捲公司因附股不甚踴躍未克興工刻  
觀察志在圖成自助巨款并變通招股章程度地鐵路第五十六段興工建立公司云

逃兵入教駭聞○(江甯)江南一標新兵鄭理泰於去冬託故出營逃蹤跡並穿去軍服等件當經督練公所查係  
溧陽支局所徵乃札飭鎮江徵兵提調著落保人追尋務期緝獲該保人向在溧陽開張盤店至是忽預掛法商旗號  
以為有恃無恐迨詢及鄭姓家人聲稱鄭理泰並未回家不知所往聞已託南京司鐸韓姓繳還軍服代為理結等語  
而省垣一標統帶日前遽接得韓司鐸來函謂鄭理泰在營遺存物件清單一紙所開各種皮衣珍貴物件計約值  
價千金左右統帶深為駭異細查該兵所存物件祇有被褥面盆等此外並無他物顯係投身入教設計訛詐統帶官  
以此風萬不可長爰詳請督練公所酌核辦理以儆效尤

## 各國新聞

俄化酋長報効租馬○(俄國)塔爾巴哈臺軍事大臣安都護成日前具摺奏稱塔爾巴哈臺中俄交界勘定之後哈  
薩克部落雖已歸化俄境然各酋長不忘舊恩依然歸順我國今據柯勒依部落長稟援伊犁器牢部落之例自願  
報効獻納租馬該部落長現在巴爾魯克山牧馬共有八千餘匹其他中俄交界之各部落酋長亦均自願報効獻納  
馬匹今以牧百納一計之每年約可得馬五百匹擬為騎兵應用裨益誠非淺鮮故於本年二月委員前往柯勒依部  
落抽取租馬惟念各該部落酋長情殷報効志殊可嘉應如何獎勵之處請飭核議訓諭遵行

摩國銀行問題議結○(摩國)西歷三月十二號各國代表人于阿路支士拉士會議摩洛哥國銀行問題已由各該  
代表人公同議結

法國組織新內閣○(法國)法國進步黨沙利仁氏已允組織一新內閣



礦工遭害○(法國)法國喀利亞煤礦炭水氣爆發甚烈當時在礦坑內工作者有一千八百多名同遭其禍其中有慶更生者然傷亡損失之數恐亦不少云

煤礦爆斃一千二百餘人○(法國)喀利亞煤礦爆發之災為歷史上所來見茲查是役斃命者一千二百一十九人現備於礦坑者二萬五千人皆有寒心緣此礦坑異常危險中多毒氣淹沒於此者不知凡幾矣現救濟會擬募捐賑恤被災之人約集款五十萬佛郎云

美軍耀威○(美國)美國大總統盧斯福已宣言將於菲獵賓舉行軍隊大祝典以耀國威云

西皇婚期○(西班牙)西班牙國皇婚禮已於西歷三月十一號在(卡梯士)舉行政府擬定撥一萬金磅為葉那公主之常年費用云

美議於各領土嚴加防禦○(美國)文匯報得倫敦十三日電云美國海陸軍省近嘗條陳請於小呂宋灣之批埃特卑恰甘納之甘姆河瑞羅羅及柏納瑪江兩口整備防禦估計需費約五十兆員美總統羅斯佛君致國會之訓函內言美國所有海島如須嚴守不可不加注意云

## 調查

日本三十九年分歲入歲出總豫算表

(續)

貴族院	五七七八五一
議員諸費	二八一五〇
俸給及諸給	一八四八七
廳費	二七〇〇
修繕費	一〇〇〇
旅費	二〇二五七
雜給及雜費	

共計六四七五四五

## 衆議員

議員諸費

七八三二〇八

俸給及諸給

二七七二五

廳費

二四八七六

修繕費

二五〇〇

旅費

六〇

雜給及雜費

一一九五八

共計八六〇三二七

會計検査院

俸給及諸給

一三三六一三

廳費

七一六三

修繕費

二〇七五

旅費

一三四八三

雜給及雜費

一四一七四

共計一七〇五〇八

行政裁判所

俸給及諸給

三九五四〇

廳費

一四二六

修繕費

四四五

旅費

九〇七

雜給及雜費

三三六二

共計四五五八〇



馬政局  
俸給及諸給  
修繕費  
死傷恤賜費  
賠償及訴訟費  
旅費  
雜給及雜費  
產馬獎勵費  
走勢獎勵及補償費  
走勢練習費  
事費

七二六六八  
七三七〇  
五九五〇  
三〇  
六〇  
三六三九六  
一四〇六九  
一八〇〇〇  
八一七三五  
三三一〇  
四三五六一四  
共計六七五二〇二

### 宮門抄

二月二十日理藩院 光祿寺 八旗兩翼值日無引 見 潤昌 顧芳 預備召 見  
召見軍機 潤昌 顧芳

### 批摺摘由

二月十八日

宗人府奏陪祀畢奉 旨知道了 工部奏請 派員分往 東西陵查勘另案工程事奉 旨派出崇壽劉永亨 又  
張奏查勘 榮親王園寢 饗堂工程事奉 旨 又查勘 東西陵添設水龍開濬井泉事奉 旨 又奏援案

請撥銀兩事奉 旨知道了 又片奏援案請撥錢款事奉 旨知道了 又奏嚴催湖南等省欠解額木事奉 旨依  
議 又奏各省工程雇覓洋匠包辦及定製外洋船械等項造送部考核事奉 旨依議 又奏核覆直隸東明黃河修  
防各工動用經費事奉 旨知道了 又奏核覆直隸東明黃河南隄另案添撥經費事奉 旨知道了 又奏核銷烏  
里雅蘇台探買軍械銀兩事奉 旨知道了 工部錢法堂奏繳銷關防事奉 旨知道了 太醫院奏請 簡御醫等  
缺事奉 旨圈出李壽昌王治寬羅增壽

### 奏稿

政務處大臣和碩慶親王臣奕 等跪 奏為論 旨事竊臣等恭讀上年八月初四日 上諭所有鄉會試一  
律停止其以前之舉貢生員分別量予出路等因仰見 朝廷敦崇實學惠寒輟之至意凡在士民同深欽感伏維  
隆古之制儒與吏通歐美之規政為士學是以無空虛之學術亦無廢棄之人材現科舉初停學堂未廣各省舉貢人數  
合計不下數萬人生員不下數十萬人 國家二百餘年皆科舉取士士之雋異者咸出其中其次者亦多鄉黨自好循  
循規矩不乏可用之才中年以上不能再入學堂原奏保送優拔兩途定額無多此外不免窮途之歎方今捐例未止保  
案向多或以微勞而累遷或以輸資而進秩偏長薄技皆得有以自見而不思沈淪如該舉貢生員等非研經已久即績  
學多年似較捐保兩途造就尚易如能量材器使加以磨礱使儒吏兼通政學普習未始不可收拔十得五之效臣等謹  
按例章仰體 德意將舉貢生員出路詳酌妥籌有為新章所已行有為成例所原有稍示變通仍予限制期有以上  
副 明詔下慰士心其原奏保送一條各省仍應遵照辦理至各該舉貢等應分發外省者既有到省甄別之條又有  
入法政學堂肄習之案擬請 飭下各該督撫認真辦理以期澄汰庸瑣成就廉能庶于補材取更之道均有裨益謹  
將酌擬寬籌舉貢生員出路章程六條繕呈 御覽恭候 聖明采擇施行 一酌加優拔貢額查直隸總督袁世  
凱等奏停科舉摺內籌出路一條聲明十年三科之內各省優貢照舊舉行已酉科拔貢亦照舊辦理皆仍于舊學生員  
中考取已入學堂者不准應考優貢額少請按省分酌加分別錄取等語查優拔貢向皆於優等生員取錄兼甄文行所  
得人材較多自應量予加取以廣甄拔擬請已酉科舉行拔貢照向額加倍考取本年丙午即係考取優貢之年以後每  
三年舉行一次各省均照例額加四倍考取其廩生應出歲貢並准照原定額數倍取以惠寒畯均於壬子年考優後一



律停止學堂學生仍照原奏不准與考 一考。用。膳。錄。查定例會試及順天鄉試皆於卷內挑取膳錄送各館當差一十九年管學大臣遞減科舉原奏有多挑膳錄之請上年吏部亦奏准考取膳錄現各部書吏漸次裁汰清繕文牘需人必多擬仿吏部辦法酌加推廣凡各部院衙門均令考用膳錄幫繕公牘舉人五貢生員分爲三等酌給津貼三年後分別獎叙准以實官分發其舉人拔貢優貢考充膳錄當差期滿並由該堂官擇尤奏請改用七品小京官在部行走俾昭激勵 一已就揀選舉人准令報捐分發免交補班銀兩查定例舉人近省三科遠省一科以上者皆准就揀以知縣註冊惟揀選並無班次徒有虛名又現在科舉既停近省舉人並有未能註冊者自宜量予變通以示體恤擬請嗣後各省舉人不必限定三科均准以揀選知縣註冊並由吏部酌定班次選用其中式已過十年有願分發到省者令交分發銀兩即准分省試用各項貢生就職照此辦理 一截取舉人請無庸再用教職查舉人截取向用知縣教職兩途現科舉停後事重學堂教官事務愈簡上年吏部奏准裁去復設一缺擬定選班以帥範生間補截取教職得缺無期同於廢棄查直隸州州同及各鹽庫大使或爲舉人應得之官或爲大挑知縣借補之職擬請嗣後截取舉人除用知縣外兼用直隸州州同鹽庫各大使以廣登進其截取舉人已奉 旨以知縣用者並請准其隨時分發毋庸扣限俾得及時効用至恩拔副貢生向例准以直隸州州判就職註冊而歲優兩貢不與未免向隅且直隸州州判額缺又甚少殊覺擁擠並請量加推廣凡五貢均准一體以按察司鹽運司經歷散州州判府經歷縣丞分別註冊選用如捐交分發銀兩即准分省試用 一貢。生。考。職。二十九年管學大臣奏遞減科舉摺內生員准比照已滿吏考職用爲佐貳雜職分發省分試用等語查定例貢監考職皆係令來京考試惟各省生員多係寒士若概令來京考試殊不足以示體恤且人數過多宜加限制擬除年輕諸生應挑入學堂及現充各學堂教員現入師範學堂現送出洋遊學各生外其餘生員均於考優貢之年准令各州縣會同教官慎加遴選保送由各督撫會同學政認真考試取其文理暢達事理明晰者大省取一百名中省取七十名小省五十名其保送人數約計照取額十倍爲斷毋得過濫至每州縣應送若干名由該督撫寺分別酌定先期酌選定等次將所取各生姓名三代年貌造冊咨送吏部一等以巡檢用二等以典史用分別註冊如願捐交分發銀兩者並准分省試用亦截至壬子年止以示限制 一每科會試中式之貢士有未經覆試者有覆試後未應殿試或 朝考者向例於下科補考今科舉既停擬請准令該員等取具同鄉京官印結赴禮部呈請已經覆試或殿試者即開列所考等第甲第名次帶領引 見懇 恩給予出身分別錄用未經覆試者亦請查照新章免其覆試

引 見錄川其已免覆試之舉人並請一體准其照例就揀以免向隅以上各條如蒙 俞允應由臣等咨照吏部學部禮部通行各省一體遵照辦理謹恭摺具陳伏乞 皇太后 皇上聖鑒謹 奏光緒二十二年二月十五日具奏奉 旨依議欽此

欽天監謹 奏爲臣監接收外務部運送觀象台儀器恭摺奏 聞仰祈 聖鑒事竊臣監於光緒三十年七月間准外務部咨稱本部附奏收回法館交還儀器二十八件奉 硃批知道了欽此抄錄原奏書臣監欽遵迅將觀象台修理整齊知照本部將儀器運送前往照舊安設等因到臣衙門當經臣監奏明應俟觀象台修齊儀器運送到台後查明再行奏 聞在案前因觀象台衙署工程將次完竣知照外務部去後旋於本年十月二十六日起至三十日陸續由外務部將法館交還儀器運送觀象台臣 當即開箱查看得 御書匾額對聯銅字十八箇儀器五座漏壺一箇臣等敬謹收訖惟此項儀器件數既多舛兩較重一時檢查不易理合先將收到件數敬繕清單呈 御覽一俟詳細查明損傷缺欠若干應如何辦理之處再行奏明請 旨遵行所有臣監接收外務部運送儀器大概情形緣由謹恭摺奏 聞伏乞 皇太后 皇上聖鑒謹 奏 謹將臣等接收外務部運送法館交還儀器件數敬繕清單恭呈 御覽 計開 御書匾額對聯銅字十八箇木料鈔朽不齊 黃道儀內十六件 赤道儀內十八件 象限儀內十件 地平經緯儀內二十件 簡平儀內二十二件 漏壺一件 再臣監於光緒二十九年十一月奏請撥款修建觀象台衙署並製造折半銅天體儀一座地平經緯儀一座是月二十五日開工復於三十年七月准外務部知照收回法館交還儀器當經臣等擬請將台上接脚石週圍鐵欄桿等工修齊先後奉 旨依議欽此欽遵各在案現在各項工程一律完竣擬擇於十二月初十日遷移入署值班以重觀候而符舊制理合附片陳明伏乞 聖鑒謹 奏光緒三十一年十一月十六日奉 旨知道了欽此

周馥片 再部定新章凡由俊秀監生出身各員無論實缺候補各員均應一體考試等因茲據江甯藩司將在省候補各員先後詳送考試前來經臣考試得新選江甯府江防船政同知徐漢源試用本班儘補用知縣程菊齡試用知縣吳鼎桂王貴銘楊炳杰均取列二等陳錦取列三等徐漢源應即飭赴新任程菊齡等五員應准照章補署差委除咨部查照外謹會同江蘇巡撫臣陸元鼎附片陳明伏乞 聖鑒謹 奏奉 硃批吏部知道欽此

周馥片 再江蘇候補道劉世珩前由湖北道員經前督臣劉坤一調赴江南籌辦商務復經奏准留於江蘇補用光緒



二十八年派赴日本考察勸業博覽會於東京橫濱大阪各埠研究商務學務工藝等回華後凡甯省城籌設工藝局及商品陳列館藝法商業實業等學總理商會規畫精詳並經商部委充議員現財政處奏調差委已飭即日北上該員才識敏達有守有為於商務財政尤多歷練實為江南道班中不可多得之員疊經督臣劉坤一鹿傳霖端方先後奏保是其才具可用早在 聖明洞鑒之中惟該員歸道班後尚未赴部引 見現在既歸財政處調用相應仰懇 天恩飭下吏部就近帶領引 見候 錄用除咨吏部財政處外理合附片陳請伏乞 聖鑒訓示謹 奏

奉 硃批劉世珩著交部帶領引見欽此  
周馥片 再常鎮通海道郭道直經部議革職所遺員缺應行委員接署查有江蘇候補道陶森甲堪以署理除檄飭遵照外謹會同江蘇巡撫臣陸元鼎附片具陳伏乞 聖鑒謹 奏奉 硃批吏部知道欽此

頭品頂戴兵部尚書署理兩江總督山東巡撫臣周馥跪 奏為採辦頭二批棕毛動用銀款恭摺具陳仰祈 聖鑒事竊准工部咨行令採辦棕毛五十萬斤分批解部等因當經札飭安徽布政使迅速籌辦去後茲據安徽布政使馮澤詳稱奉取棕毛五十萬斤請仍以五萬斤為一批分作十批辦解應先將頭二批十萬斤委員前赴江西湖北一帶趕速採辦所有每斤例價銀三分共該正價銀三千兩在於光緒三十一年各屬解司正項銀內動給又於羨耗項下撥給協貼價值銀五千二百餘兩又起解餉銀二千四百兩水脚銀三千六百餘兩詳請 奏咨前來臣覆核無異除飭令趕緊辦解外所有採辦頭二批棕毛動用銀款緣由理合會同安徽巡撫臣誠勳恭摺具陳伏乞 皇太后 皇上聖鑒謹 奏奉 硃批該部知道欽此

周馥片 再投標學習人員疊經前督臣奏請留省補用均經欽奉 諭旨允准在案茲查有留省補用總兵濟勇巴圖魯杜金標儘先恭將熊宗有胡定江儘先遊擊徐超海吳德高留省補用都司王大有補用都司張家駿儘先都司蔡忠敏樂殿揚留甘升用都司補用守備喻聯輝儘先守備盧國鈞國振平歷任江蘇直隸陝甘台灣雲南等省隨勦及山東河工案內出力洊保今職該員等原保或未經留省或保留他省茲據先後來江投効委充各差均無貽誤合無仰懇 天恩俯准將總兵杜金標都司王大有守備喻聯輝三員各以原官改留兩江補用恭將熊宗有胡定江遊擊徐超海吳德高都司張家駿蔡忠敏樂殿揚守備盧國鈞國振平等各以原官留於兩江補用以資得力除將履歷分別送部查核外理合附片陳明伏乞 聖鑒訓示謹 奏奉 硃批著照所請兵部知道欽此

文苑

周馥片 再准長江水師提督程文炳咨稱大通營右哨都司楊毓魁年近八旬年力衰邁恐難勝任惟該員久歷水師前曾著有勞績擬請以原品休致咨請核辦等因前來相應請 旨將楊毓魁開去大通營右哨都司員缺以原品休致謹會同長江提臣程文炳附片具陳伏乞 聖鑒訓示謹 奏奉 硃批著照所請兵部知道欽此

步吳思信問翠軒詩

慶博如來稿

妙諦誰云信手拈月清還為冷相嫌小姑句幻詩妨詠歸妹爻凶易怕占心熱悔纏紅裝吐草涼微透繡鞋尖蘭花眉黛桃花臉好是相逢在黑甜  
說到愁深恨更深漏聲清夜雨沈沈青梅有味酸侵齒蓮子垂頭苦在心催護桃花空想像冬郎詩句慢沈吟繞梁會見雙飛翼燕子呢喃下上音  
別時容易見時難寫遠無期歲又殘洛浦仙人碑上字巫山神女夢中看隔花有影曉鸚鵡繞枕飛響想蕙蘭司馬年來琴已碎工愁不是藕香韓  
不趁高秋亦恨煤雁聲消滅空徘徊酒因寂寞力招月心為相思欲化灰可惜夢魂常彳亍曾過機會慢疑猜多磨好事憐無定腸斷西風玉鏡臺  
芙蓉結解悶初排生性疏慵遇合乖垂淚淡濃紅蠟炬密針翻覆繡弓鞋幽抽漸覺絲都盡緣滯猶疑事可諧明月一天梧影瘦團團團扇秋懷  
金屋無人見淚痕枕函曉起漬空存可知小燕來何暮不聽離鸞已斷魂人夢或能供醉眼銷愁惟有舉芳尊遨遊已作虛空事騎鶴天涯未忍論  
鑑影飛紅影寂寥芙蓉帳暖水沈燒姻緣變滅愁華髮雲雨模糊幻楚腰情味不能同諫果風懷何必似江珧銀河汨汨星難渡十丈罡風散鵲橋  
兄弟交多易象凶江南雲樹壞雲封誰知弱水三千里竟隔蓬山十萬重盡 本來傷穀腦花媒原是講張峰起思提筆描摹熊記向瑤臺月下逢



圍屏曾紀見娘如十五年華翦翠青桃葉春波誰可渡麻姑指中不須抓無因燕玉環雙髻多事金錢卜六爻且把閒情  
歸比賦紅兒詩句費推敲

戶部銀行代收國民捐清單

大學士孫家鼐 二千兩 傅子麟 一兩 郝亮臣 一兩 常正卿 一兩 張行遠 一兩零八分 戶部員外  
郎瑞源 英洋五十元 戶部主事高崧生 十八兩七錢八分 張榮華 九兩三錢九分 張用賓 九兩三錢九  
分 太醫院院使莊守和 四十六兩九錢五分 右院判姚寶生 四十五兩九錢九分 御醫全順 二十三兩四  
錢七分 御醫李崇光及子曾蕃 二十三兩四 九品吏目楊世葆 二十三兩四錢七分 醫士忠勛 十  
四兩零八分 九品吏目任錫庚 九兩三錢九分 御醫陳守忠 九兩三錢九分 御醫佟文斌 四兩六錢九分  
太醫院御醫馮國治 二兩三錢四分 艾世新 三兩七錢五分 郭榮 三兩七錢五分 八品吏目李壽昌  
及子九品吏目成林 三兩七錢五分 御醫李文若 二兩三錢四分 李德源 四兩六錢九分 鄭敏書 三兩  
七錢五分 九品吏目項瀛 一兩八錢八分 御醫張惟寅 三兩七錢五分 八品吏目王應瑞 四兩六錢九分  
御醫楊安貴 四兩六錢九分 李錫璋 一兩八錢八分 王繼曾 二兩八錢二分 八品吏目李鶴齡 三兩  
七錢五分 殷文光 三兩七錢五分 馮啓英 一兩八錢八分 九品吏目楊得山 一兩八錢八分 范其昌  
一兩八錢八分 董啟儒 九錢四分 太醫院九品吏目石國慶 一兩八錢八分 范一梅 一兩八錢八分 何  
繼德 一兩八錢八分 八品吏目懷觀元 一兩八錢八分 閻榮海 一兩八錢八分 金廷榮 一兩八錢八分  
瞿寶全 二兩八錢二分 姚廣仁 一兩八錢八分 九品吏目馮盛化 三兩七錢五分 馮桂清 一兩八錢  
八分 吳錫光 一兩八錢八分 李振 一兩八錢八分 王治寬 一兩八錢八分 醫士蘇秉鈞 四兩六錢九  
分 遵其故父李恒慶遺囑李藻章 三兩七錢五分 聽差單寶普 十三兩七錢八分 戶部雲南司胡大崇 三  
十元 戶部雲南司張茶房 一兩 周紹康 一兩 直隸候補布經歷江其源 五十兩 五城副指揮改分省知  
縣江樹琛 四十兩 方畧館供事胡紹良 十兩 宗室溥惠溥煥合家 六兩五錢八分 僕人 常裕 九錢二  
分 王喜 九錢二分 劉文成 九錢二分 吏部尚書奎俊 二千兩 奎俊子 安徽儘先前補用道銓林工部  
候補員外郎銅林 共二百兩 戶部郎中張世溥 九兩三錢九分 外務部員外郎吳品珩 二百兩